

Br. protokola: 181/11

POZIV za DEVETU JAVNU DEBATU

„Počinioci i žrtve krivičnih djela su naša djeca - Spriječimo maloljetničko prestupništvo KULTUROM DIJALOGA“

U sklopu Projekta: „Provide a Good Reason for Ex YU Countries into the EU“

Na putu europeizacije bh. društva i poštivanja prava djece neophodno je riješiti **problem maloljetničkog prestupništva** sa kojim se već niz godina suočava cijela Bosna i Hercegovina. Centar za kulturu dijaloga, uz suradnju sa vladinim i nekim nevladinim institucijama aktivno radi na upoznavanju javnosti sa problemom kao i na rješavanju problema maloljetničkog prestupništva.

Na prethodnoj javnoj debati ostvarena je značajna suradnja između vladinog i NVO sektora, uz obostrano uvažavanje svih zainteresiranih za rješenje problema maloljetničkog prestupništva. Ovi sektori nisu suprotstavljene institucije civilnog društva nego partneri koji pomažući jedni drugima doprinose napretku države i izgradnji stabilne BiH.

Dana 10.06.2011. (petak), Centar za kulturu dijaloga (CKD), uz podršku **EC ured u Briselu** organizira Devetu javnu debatu **„Počinioci i žrtve krivičnih djela su naša djeca – Spriječimo maloljetničko prestupništvo KULTUROM DIJALOGA“ od 11.00 do 15.00**. Ciljevi javne debate su praćenje i analiza realizacije obećanih aktivnosti i planova za iznalaženje rješenja problema maloljetničkog prestupništva. Javna debata će biti organizirana u **BC UNITIC**.

Cilj Osme javne debate bio je osigurati dostupnost informacija građanima kao i mogućnost za postavljanje pitanja onima koje smatraju odgovornima za problem maloljetničkog prestupništva sa kojim se BiH suočava i dalje, a prema *„Izjavi o međusobnom kontinuiranom izvještavanju sa ciljem uspostavljanja transparentnosti rada svih angažiranih sektora i otvorenog dijaloga među njima u rješavanju problema maloljetničkog prestupništva“* usvojenoj na debati od 28.05.2010. **Deveta javna debata ima za cilj nastavak obezbjeđivanja informacija građanima Bosne i Hercegovine, kao i nastavak suradnje sa vladinim i nevladinim organizacijama na rješavanju problema maloljetničkog prestupništva**. Zajedničkim radom na ostvarivanju navedenih ciljeva bh. društvo može pokazati da narodi BiH znaju koristiti zakonska sredstva kako bi podstakli vladin i nevladin sektor na rješavanje problema najugroženije grupe bh. društva – **maloljetnika, a posebno maloljetnika u sukobu sa zakonom koji su marginalizirana i manjinska skupina u društvu**.

Želimo kroz argumentiran i uređen dijalog, uz pomoć izvještaja o radu odgovornih vladinih institucija, škola i NVO sektora, omogućiti analizu i praćenje do sada postignutog. Rado ćemo sve prispjele izvještaje prezentirati javnosti i na taj način pokazati odgovornost institucija angažiranih u ovom problemu.

Poseban akcent bit će na prezentiranju i analizi obećanih-realiziranih aktivnosti i planova. Predviđeno je iznošenje sljedećih prezentacija i izvještaja za koje se očekuje, da ovoga puta, predstave predstavnici nadležnih institucija

- Prezentacija pravosudnog sektora (Nadležna ministarstva FBiH i RS)
- Prezentacija pravosudnog sektora (Sud i Tužilaštvo: općinski, kantonalni, FBiH, RS, Sud BiH)
- Prezentacija sektora za socijalni rad (KS, FBiH, RS)
- Prezentacija obrazovnog sektora (KS, FBiH)
- Izvještaj Zavod Hum

- Izvještaj Disciplinski centar Vogošća
- Izvještaj KP Zenica
- Izvještaj KP Kula
- Presentacija MUP-a Kantona Sarajevo
- Presentacija FMUP-a
- Koordinaciono tijelo za implementaciju strategije u BiH
- Presentacija medija
- Presentacija NVO sektora
- Presentacija Grada
- Presentacija Vlade KS
- Presentacija Udruženja Vijeća roditelja BiH
- Presentacija Vijeća ministara BiH
- Presentacija kulture dijaloga

Ljubazno molimo prezentere da prezentacije, kao i do sada, u elektronskoj formi dostave do **06.06.2011.** na e-mail: izvjestaji.ckd@gmail.com ili sanja.vlaisavljevic@ckdbih.com, kako bi prezentacije bile dostupne za konferenciju za medije, uvrštene u izvještaj, distribuirane učesnicima u debati i predstavljene tijekom izlaganja. Također molimo da sve nadležne institucije obuhvaćene Strategijom dostave izvještaje o prethodnim aktivnostima u cilju objektivnog informiranja javnosti o aktivnostima vladinog i nevladinog sektora, te da izvještaji budu u skladu sa zaključcima Osme javne debate i koji se nalaze na web stranici CKD-a (www.ckdbih.com). Svakako, bit ćemo sretni da zajedno sa vama predstavimo svaki korak naprijed u rješavanju ovog problema, pa čak i onog koji nije predviđen zaključcima.

Nadamo se da će nadležne institucije kao i mnogo puta do sada uvidjeti značaj rješavanja problema maloljetničkog prestupništva, te da će svojim prisustvom na Javnoj debati dokazati da su prepoznali značaj Javne debate kao i napore koje je neophodno uložiti kako bi se došlo do rješenja maloljetničkog prestupništva i kako bi pravda bila dostupna za maloljetne žrtve ali i maloljetne počinioce krivičnih djela. Cilj debate je razvoj demokratskih načela kroz aktivni angažman svih građana u izgradnji civilnog društva, a ne obezvređivanje jednih ili promociju drugih političkih opcija ili nevladinih organizacija. Pokažimo da je bh. društvo zrelo za promjenu na bolje koju svi zaslužujemo i pokažimo da smo spremni zaštititi našu djecu i generacije koje dolaze jer **počinitelji i žrtve krivičnih djela su naša djeca-spriječimo maloljetničko prestupništvo kulturom dijaloga**. Plan rada debate nalazi se na web stranici CKD-a (www.ckdbih.com).

Srdačan pozdrav sa željom da zajedno napravimo još jedan korak u prevenciji maloljetničkog prestupništva.

Sarajevo, 24.05.2011.

